

治臨產痢疾神方 烏骨雞蛋一箇打破尖去白留黃入好黃丹

五錢攪勻用紙封固外用濕草紙數層或以黃泥再封一層草
火中煨過俟烟盡取出去泥與紙連殼研極細末每服二錢米
湯下如男一服卽止如女再服

治臨產交骨不開產後門戶不開并子死腹中煎服其胎自下

川芎一錢當歸二錢五分龜板一錢婦人頭髮一錢燒一錢水煎服

治子死腹中 厚朴二錢蒼朮二錢陳皮二錢甘草五分朴硝五分水煎服其

胎化水而出

治孕婦咳嗽 貝母去心用麩皮炒令黃去麩皮爲末研細砂糖
拌勻丸如雞豆大含化一九神效

治孕婦胎漏葱白一把濃煮汁飲之

治孕婦胎漏下血手足厥冷欲死生艾汁二盞牛皮膠白蜜各二兩煎一盞半稍熱服之無生艾濃煎乾艾一方加竹青一把同煎

治孕婦因鬭爭或跌撲從高墜下或爲重物所壓傷動胎氣腹痛下血宿砂不拘多少于熨斗內炒令熱透去皮取仁研爲末每服二錢熱酒調下不飲酒者艾蘊湯或米飲下服此後覺胎動極熱胎氣已安矣又方芋根一把洗淨生薑五片煎湯調粥服之效

治孕婦忽腹絞痛棗子十四枚燒焦爲末童便調服又方用

鹽一合燒赤以指撮少許酒中調服。

治孕婦兒在腹中哭用多年空屋下鼠穴中土一塊令孕婦噙之卽住。又方川黃連煎汁令母呷之。

治孕婦胎前產後赤白痢。敗龜板一箇醋炙搗爲末米飲調下。

又方用生薑自然汁年少者十兩老者十二兩鴨子二箇打碎入薑汁攪勻。

煎至八分入蒲黃三錢煎五七沸空心溫服。

治孕婦難產或橫生或下血或脹滿用鉄秤錘燒赤投酒中飲之。

治橫逆不順手足先出或子死腹中用竈中心對鍋底土細研每

服一錢酒調下兒頭戴出妙更用搽產母臍中亦妙或用兔絲

子末車前子末酒調下。

妊婦常服

達生散。凡妊婦九箇月服此。扶正氣。散滯氣。虛者服此尤佳。服得

人參者。加參更妙。卽縮胎飲。用大腹皮薑製白朮白芍各一錢陳皮

紫蘇梗葉各五分人參五分炙甘草一錢五分黃楊樹腦煎服。胎不大

長。或加枳殼青葱葉五分春加川芎。食積加山查肉。熱急加

黃芩。性急加黃連。血虛加歸地。氣實倍香附陳皮。腹

痛加木香官桂黃芩。冬不用芩。

安胎方。凡孕婦有孕三箇月而小產。或五箇月而小產。如前次係

三箇月小產者。則于兩箇月上。用蓮子帶心皮和糯米煮粥服。

四十足日。永無小產之患。其蓮子粒數。照孕婦年歲用之。若前

係五箇月小產者。于三箇月後照前服。

勝金丹 治胎前產後一切女科諸症。川烏去皮一兩草烏去皮五錢俱用醋煮

去麻辣爲度當歸酒洗生地熟地白芍大茴去核蒼朮粉甘草血竭

香附四製各一兩木香不見火何首烏九製白朮桔梗防風天麻荆芥穗

白芷兩頭尖金毛狗脊去毛川芎細辛各五錢人參二兩共爲末

煉蜜丸如彈子大每服一錢湯酒任下。

千金保孕丸 治慣小產者有孕服此極妙。杜仲去皮以糯米全炒斷絲四兩

續斷酒洗二兩爲細末用山藥打粉四兩水煮熟爲丸如梧子大每

空心米湯下八十五丸忌酒醋戒惱怒。

香附膠艾丸 連下其四方俱安胎聖藥常半產者服之甚宜。用

香附米

陳醋煮炒乾
淨末十二兩

元胡索

二兩 川芎

二兩 當歸身

酒浸洗烘乾
淨末二兩 白

芍藥

淨末
二兩

蘄艾葉

去梗醋煮焙
乾淨末二兩

生地

三兩酒蒸熟細研
為膏勿犯鐵器

阿膠

蛤粉

炒成珠淨
末二兩

右各為末醋煮麩糊為丸梧子大每服八十九空心

米湯下

芎歸補中湯

治婦人血熱性急常小產者服此永保安全無虞。

當歸川芎

各一錢
五分

茯苓

去皮
八分

黃芪

蜜炙
一錢

黃芩

酒炒
二錢

白朮

土炒一
錢五分

陳皮

炒五
分

續斷

酒洗
二錢

桑寄生

酒洗
七分

香附米

醋浸炒
一錢

甘草

五縮砂
分

仁

連殼炒去殼研三
分按月加至一錢

阿膠

五分酒頓
化冲服

右加生薑二片水煎空心

溫服如未孕每月服十五帖如已有孕前次在第幾個月上小

產者須于半月前服之服藥保過此月即常服蓮砂散極妙

蓮砂散

湖蓮肉

去心四兩

縮砂仁

連殼炒去殼研二兩

其爲細末每早用米飲

調下三四匙服完一料再合常服可保胎安十月滿足而生

芩朮散

黃芩

酒浸炒一兩

白朮

土炒一兩

宿砂

炒研三錢

其爲細末每日米湯

調下二三匙安胎甚妙大凡胎氣皆當清熱養血自然平康切

不可服熱藥此定論也

幼科

人之生也。如草木之始于萌芽。而漸臻于蓊茂。則生機初達。弱質柔脆。培植長養之方。必講明有素。而後可遂其參天之概也。因集幼科方。

初生保護

夢生方 初生不能發聲。謂之夢生。切不可斷臍。以綿衣包兒。用大油紙燃燒臍。待氣回方可斷也。今人又有用綿衣包兒外。再用熱水溫臍。使陽氣一接。兒立出聲矣。百不失一。又方將胞衣連帶用火炙。令煖氣入兒腹。取一貓用青布裹頭目。令一伶俐女人拿住貓頭向兒耳邊。以口咬貓耳。貓大叫一聲。兒卽

醒矣。初生無啼。是肛門爲脂皮所塞。用簪通開。外臺秘要

云。兒生不啼。由產難少氣也。取臍帶向身却捋之。令氣入腹。仍

呵至百度。自啼矣。又以葱白徐徐鞭之。亦妙。菖蒲搗生汁入

口。卽活。生兒啼聲不出。及聲不轉者。舌下有膜。如石榴子。或

口中上腭有泡。速以指爪摘斷之。用葦刀子割之。微有血出。卽

活。若血出多者。燒斷髮。同猪脂塗之。小兒因難產。產下不哭。

微有氣者。以本父母真氣度之。卽活。

拭口法。嬰兒在胎。口有熱物。蓋胎毒也。生下啼聲未出。急用軟

帛。或綿裹紙。拭淨。貴在神速。遲則嚙下。伏之于心。遇天行時氣。

久熱不除。乃乘于心。心主血脉。得熱而散。流溢于胃。胃主肌肉。

發出于外成瘡疹之毒世之小兒無能免者不知病源在此若
依此法庶可免矣。產家要訣云予見有挖出血餅切開色成
五彩舉家大喜謂必無痘患矣而竟以患痘死者且口血雖嚥
必入腸胃大便一通其血亦去豈有徑投極下之處伏于裏大
右腎之中藏蓄不動久而後發者哉太醫院支改齋先生辨之
甚悉謂痘之所生皆屬心火斯足破千古疑案及思古方用黃
連甘草抹兒口以解胎毒者豈非瀉心火之藥也乎

甘草法 凡妊婦臨月預將金銀花甘草指許一節拍碎以水二
蜆殼煎一蜆殼以綿裹蘸令兒吮之若吐出惡物爲佳服一蜆
殼不吐卽不須服不問小兒虛實皆可服之

藏衣法 凡年遊白虎殺神在太歲後一位如太歲在卯則白虎在寅若產及藏衣犯之子母皆不利。

斷臍法 產家要訣云兒出胎洗後方斷臍帶則不傷水生病斷臍須將汁令盡否則寒濕入腹或作臍風又須于近臍四五寸處以線紮緊以綿包裹以口咬斷蓋紮緊則兒血不貫于胞衣自然痿縮弗脹而易下卽或延緩數日亦無大害口咬則斷臍不犯乎刀剪自無冷氣內侵可免腹中弔痛之虞如或天時寒近坐草艱難母子勞傷元氣者先紮臍帶以油紙撚點火燒斷令暖氣入兒腹中此又爲回生起死之妙法近聞用蘄艾灸臍亦妙所留臍帶不可太長太長則難乾而傷肌且恐引外風爲

臍風亦不可太短太短則逼內而傷臟或致成腹痛而夜啼只以兒之足掌長短爲度乃酌中之法千金論云須令至兒足跌上爲度 造道集云兒始生宜淨洗則燥血不留于摺路之間可令皮膚光澤然後剪臍臍乃初生之蒂也剪之宜長一尺有二用粗線縛緊剪不長多生臍風縛不緊陰間虛腫 繆仲淳

廣筆記云兒初生不可剪臍帶三朝用麪和水成薄餅置兒腹穿臍帶于麪上將蘄艾火灸臍帶近臍處或三炷或五七炷須下帳避風灸畢仍將臍帶紮好聽其自脫至七日方脫者元氣足也 凡兒生下每日夜將清湯或苦茶蘸軟絹攪兒口內如齒邊有白點卽以指爪或細針挑破取桑樹汁濾清塗之永無

驚風囁口之患

裹臍法 千金論云裹臍須用白練柔軟方四寸新綿厚半寸與

帛等合之緩急得中急則令兒吐乳不可輕解解時閉戶下帳

冬間用火令帳內溫煖仍以溫粉敷之若臍不乾燒絳帛敷之

又方枯礬

五錢

龍骨

一錢

黃丹

一錢

麝香

少許

爲末敷之

亂髮燒灰敷

之亦可或云黃柏末敷妙

臍風方

張煥論云嬰兒斷臍後宜用厚帛裹護若乳母不慎或

因浴水入或兒尿棚中未換濕氣所侵或當風解視七日內遂

有此疾令兒臍腫多啼不能乳哺卽成臍風也 臍腫當隨輕

重重者灸二三十次輕者但汁出多啼用當歸末和胡粉敷之

常用熱絮熨之。初生七日內面赤喘急啼聲不出名曰囁口

臍風齒齦上有小泡如粟米狀急以溫水蘸青軟帛或帛裹指

輕輕擦破即開口不須服藥。白殭蠶直者四枚炒去絲嘴爲

末密調敷唇內即愈。繆仲淳云囁口之症必先大便熱須用

生犀角及真羚羊角磨和密汁飲之有效急則用大黃二錢甘草

二錢煎服

口噤方 葱白一寸破四片乳汁蒸灌之

浴兒方 北方生子多不洗浴初生下但以舊綿拭淨直至三四

歲出痘後方浴或大小便處畧以水揩抹之故北方人較南方壯實不徒風氣然也若畢竟欲浴取益母草五兩剉細煎滾溫

溫浴之。不生瘡疥。又可祛寒氣風濕。產家要訣云。兒初出胎。浴洗湯內。宜入食鹽少許。洗畢拭乾。以膩粉一錢許研細。摩其遍身及兩脇。然後褊裹。既不畏風。又散諸氣。今南方三朝方洗。將褊裹之兒。又復解開。多致感冒驚風。蓋洗三雖云古禮。而防患貴在變通。只依前法出胎便洗。自是穩當。保生要方云。小兒初生。候洗水不得。且以綿絮包裹。大人懷中煖之。浴後仍當如此。雖暑月綿絮亦宜漸漸去之。乍離母腹。未可冒寒氣也。預煎沸湯。以甌貯之。臨時熱洗。不犯生水。則兒不生瘡。

乳兒方 保生要法云。小兒初生。若多睡。勿強與乳。自然長而少病。顱顱經云。夏中盛熱時。乳母浴後。便與兒乳。使兒成胃毒。

赤白痢定息良久熟揉乳之可也。千金論云乳兒不可過飽。滿而溢則成嘔吐。大飽以空乳吮之。卽消。若乳來猛。取出再乳。凡初乳時須常擠去宿乳。夏不去熱乳。令兒嘔逆。冬不去冷乳。令兒咳痢。母與兒臥以臂枕之。令乳與頭平。則兒不噎。母欲寐卽奪其乳。恐睡熟則不知飽足而成嘔吐也。小兒精要云。夜間乳兒須乳母起坐抱兒乳之。母有娠乳兒必患胎黃。母大醉乳兒必患驚熱。母傷飽乳兒必患喘急。母新房乳兒必患瘡。瘦母大怒乳兒必患顛狂。母新吐乳兒必患虛羸。瑣碎錄云。兒睡忌乳母鼻風吹兒額門成風疾。

哺兒方 葛氏肘後方云。兒生三日應開腹助穀神壯胃氣。用粟